

# Կ Ա Ն Ո Ն Ա Դ Ր ՈՒ Թ Յ ՈՒ Ն

«Գյուլմարու թիվ 1 ավագ դպրոց» ՊՈԱԿ

« Աշակերտական օմբուդսմեն » ուսումնական նախագիծ

Ընդունված է 2025 թվականի հոկտեմբերի 28-ին

## ԸՆԴՀԱՆՈՒՐ ԴՐՈՒՅԹՆԵՐ

Սույն կանոնադրությունը սահմանում է Աշակերտների իրավունքների պաշտպանին պաշտոնի նշանակելու և պաշտոնից ազատելու կարգը, լիազորությունները, գործունեության պայմանները և երաշխիքները:

## ԱՇԱԿԵՐՏՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆԸ

Աշակերտների իրավունքների պաշտպանը (այսուհետ՝ Պաշտպան) ինքնուրույն և անկախ պաշտոնատար անձ է, որը, Հայաստանի Հանրապետության Սահմանադրության և օրենքների, ինչպես նաև միջազգային իրավունքի հանրաճանաչ սկզբունքների ու նորմերի համաձայն, իրականացնում աշակերտների խախտված իրավունքների և հիմնարար ազատությունների պաշտպանությունը:

## ՊԱՇՏՊԱՆԻ ՆՇԱՆԱԿՈՒՄԸ

1. Պաշտպանի պաշտոնում ընտրվում է 16 տարին լրացած Հայաստանի Հանրապետության այն քաղաքացին, ով ունի հիմնական կրթություն, մարդու իրավունքների և հիմնարար ազատությունների պաշտպանության բնագավառում անհրաժեշտ գիտելիքներ և իր հասակակիցների շրջանում վայելում է բարձր հեղինակություն:

2. Պաշտպանին ընտրում է Աշակերտական խորհուրդը՝ անդամների ընդհանուր թվի ձայների 1/2-ից ավելիով: Պաշտոնի նշանակվելիս Պաշտպանը տալիս է հետևյալ երդումը.

*«Մտանձնելով աշակերտների իրավունքների պաշտպանի պարտականությունները՝ երդվում եմ, հավատարիմ լինելով Հայաստանի Հանրապետության Սահմանադրությանն ու օրենքներին, հասարակական համակեցության և արդարության սկզբունքներին, պաշտպանել մարդու և քաղաքացու իրավունքներն ու հիմնարար ազատությունները: Երդվում եմ, որ պարտականություններս կկատարեմ անաչառ, առավելագույն բարեխղճությամբ և ջանասիրությամբ»:*

3. Պաշտպանը պաշտոնում ընտրվում է 12 ամիս ժամկետով:

Նույն անձը Պաշտպանի պաշտոնում չի կարող նշանակվել միմյանց հաջորդող երկու ժամկետից ավելի:

## **ՊԱՇՏՊԱՆԻ ԱՆԿԱԽՈՒԹՅՈՒՆԸ**

1. Պաշտպանն իր լիազորություններն իրականացնելիս անկախ է, ենթարկվում է միայն Հայաստանի Հանրապետության Սահմանադրությանը և օրենքներին, ինչպես նաև միջազգային իրավունքի հիմնարար սկզբունքներին ու նորմերին: Պաշտպանը չի ենթարկվում պետական կամ տեղական ինքնակառավարման որևէ մարմնի կամ պաշտոնատար անձի:

2. Պաշտպանը պարտավոր չէ բացատրություններ տալ, այդ թվում՝ նաև որպես վկա, իր մոտ գտնվող բոլորքի կամ փաստաթղթի էության վերաբերյալ կամ դրանք տրամադրել ծանոթացման այլ կերպ, քան օրենքով նախատեսված դեպքերում և կարգով:

## **ՊԱՇՏՊԱՆԻՆ ԴԻՄԵԼՈՒ ԻՐԱՎՈՒՆՔԸ**

1. Պաշտպանին կարող է դիմել ցանկացած աշակերտ՝ անկախ դասարանից, ուսումնական առաջադիմությունից, բնակության վայրից, սեռից, ռասայից, տարիքից, քաղաքական և այլ հայացքներից ու գործունակությունից
2. Դիմել կարող են դպրոցում տեղադրված արկղիկի միջոցով, ինչպես նաև գործող էլեկտրոնային հասցեի միջոցով [ombudsofN1@gmail.com](mailto:ombudsofN1@gmail.com)
3. Դիմումները անանուն են, բոլոր դիմումները ենթակա են առանձին ուսումնասիրության
4. Պաշտպանին կարող են դիմել նաև ուսուցիչներ
5. Այլ դպրոցի աշակերտների դիմումները ևս կարող են ընդունվել փաստական հիմքի առկայության դեպքում

## ՊԱՇՏՊԱՆԻ ԶԵԿՈՒՅՑԸ

Յուրաքանչյուր ուսումնական կիսամյակի ավարտին Աշակերտական օմբուդսմենը կազմում և ներկայացնում է զեկույց, որն ուղղված է դպրոցի տնօրինությանը, ուսուցիչներին, աշակերտական: Զեկույցում ամփոփվում են ուսումնական տարվա ընթացքում իրականացված գործունեությունը, ուսումնասիրված խնդիրները, ինչպես նաև դպրոցում աշակերտների իրավունքների և պարտականությունների խախտումների վերաբերյալ արձանագրված դեպքերն ու դրանց լուծման ուղղությամբ ձեռնարկված քայլերը:

Տարեկան զեկույցը կարող է հրապարակվել նաև դպրոցի տեղեկատվական հարթակներում՝ կայքում, սոցիալական մեդիայի էջերում:

## Աշակերտական օմբուդսմենի աշխատանքային խմբի կարգավիճակը

### Խմբի ստեղծումը

Աշակերտական օմբուդսմենի գործունեությունն ապահովելու համար ստեղծվում է օմբուդսմենի խումբ, որը աջակցում է նրա առաքելությանը՝ ըստ տարվա աշխատանքային պլանի:

### Խմբի գործառույթները

Օմբուդսմենի խումբը ապահովում է գործունեության կազմակերպչական, խորհրդատվական, տեղեկատվական, վերլուծական և այլ աջակցություններ: Խումբն իրավասու է մասնակցել.

- դիմումների ընդունմանը
- ուսումնասիրմանն ու վերլուծությանը
- հանդիպումների կազմակերպմանը
- կանխարգելիչ և իրազեկման ծրագրերի իրականացմանը

## Խմբի կարգավիճակը դպրոցում

Օմբուդսմենի խումբը գործում է որպես դպրոցական ինքնակառավարման մարմին: Անհրաժեշտության դեպքում կարող են նշանակվել ներկայացուցիչ աշակերտներ տարբեր դասարաններում՝ տեղեկատվության փոխանակումն արագացնելու համար:

## Աշխատանքի ձևաչափը

Խմբի անդամները գործում են կամավորության սկզբունքով՝ ըստ սահմանված ներքին կանոնակարգի: Նրանց կատարած աշխատանքը կարող է գնահատվել դպրոցում սոցիալական ակտիվության, մասնակցության, պատասխանատվության հիմքով:

## Անկախության և պաշտպանվածության երաշխիքներ

Խմբի անդամները և օմբուդսմենը իրավունք ունեն իրականացնել իրենց պարտականությունները անկախ և առանց միջամտության: Նրանք չեն կարող ենթարկվել ճնշման՝ ներկայացված կարծիքների, բարձրաձայնած խնդիրների, առաջարկությունների կամ իրականացրած գործողությունների համար:

## Եզրափակիչ դրույթներ

1. Սույն կանոնադրությունը վերահսկվում և կիրառվում է Գյումրու թիվ 1 ավագ դպրոցի կողմից հաստատված ներքին կարգերի և առկա իրավական հիմքերի համաձայն:
2. Կանոնադրությունում փոփոխություններ և լրացումներ կարող են կատարվել դպրոցական խորհրդի որոշմամբ՝ Աշակերտական օմբուդսմենի և աշակերտական ներկայացուցչության առաջարկությունների հիման վրա:
3. Սույն կանոնադրության պահանջները ենթակա են պարտադիր կատարման ինչպես Աշակերտական օմբուդսմենի, այնպես էլ նրա աշխատանքային խմբի անդամների կողմից:
4. Կանոնադրությամբ չկարգավորված հարցերը կարգավորվում են դպրոցի ներքին կարգապահական կանոններով և կրթական համակարգում ընդունված օրենքներով ու կանոնակարգերով:
5. Կանոնադրությունը ուժի մեջ է մտնում այն ընդունելու պահից և տարածվում է բոլոր աշակերտների, ուսուցիչների ու աշխատակիցների վրա: